



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentiss Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

§. 1. Quòd sanctissima Virgo tribuat incrementum gloriæ Personæ Patris
æterni.

urn:nbn:de:hbz:466:1-45581

Verumtamen post literalem explanationem hujus effati, quàm veram esse credo, & maximè Catholicam, concessum utique mihi fuerit hic loquenti de excellentijs Sanctissimæ Virginis, rimati & perscrutari illas juxta hunc tam inusitatum loquendi modum, vobisque desuper specialem quandam proponere considerationem; ex quâ

perspicietis, ratione quâdam verum esse, quòd ipsa prædestinata sit à Deo, ut tribuat omnibus tribus Personis adorandæ Trinitatis certum quoddam complementum, & incrementum perfectionis, quòd nunquam habuissent absque illâ, quodque saltem cedit ad gloriam externam Dei.

§. I.

Quòd Sanctissima Virgo tribuat incrementum gloriae personæ Patris aterni.

Incipiamus à Patre. Dubitari non potest, quin possideat ipse omnem infinitam perfectionem divinx paternitatis, communicando totum suum esse Filio suo Unigenito. Hinc non nisi unicâ tantum vice producere illum potest, eo quòd exhaustiat omnem suam virtutem in Generatione hâc verbi sui, quàm nunquam incepit, quàm interrupere nunquam potest, quamquæ finiet & absolvet nunquam. Sic Sanctus Iob sapientissimus hic Theologus sublimi quadam ratione affirmat: *Semel loquitur Deus, & secundo id ipsum non reperit.* Quid igitur deesse illi potest pro ultimo Complemento perfectionis Patris? Nihil planè.

Iob. 33. v.
14.

Nihilominus juxta nostrum concipiendi & intelligendi modum, divinus hic Pater producit Unigenitum suum ex totâ plenitudine di-

vinæ essentix suæ, ut plerumque dicunt Theologi, vel ut loquar cum Sancto Hieronymo, *ex medullis divinitatis*, non producit ipsum è sinu suo, nisi per viam intellectus sui: siquidem voluntas ipsius non influit in magnum hoc opus, id est, ipsa non impendit hic virtutem suam, eò quòd voluntati non congruat cognoscere, sed amare: nec libertas ipsius hic aliquam partem habet, eo quòd non producat ipsam per liberam determinationem voluntatis suæ, sed per fecunditatem suæ essentix, quæ necessaria est. Nonnè tibi videtur, id fore complementum quoddam ipsius gloriæ si produceret ipsum etiam per voluntatem suam, & per suæ decretum voluntatis?

Ulterius Pater producit Deum sibi æqualem & perfectam sui imaginem, habet quidem Filium ad se spectan-

Quid sit
Christiana
Virgo ad
jungat
rix Dei
tris aterni

spectantem; verum hic est Filius, qui nihil ipsi debet, qui exhibere ipsi non potest nec obedientiam, nec reverentiam, nec aliquod servitium, eo quod non sit ipsius subditus, nec ipso inferior, sed ipsi in omnibus æqualis. Nonne tibi videtur juxta debile nostrum concipiendi modum, quod foret notabile complementum honoris & gloriæ Patri, si idem hic Filius manens semper in possessione infinitæ Majestatis suæ, ipsi esset subiectus, ipsi obediret, ipsique præstaret homagia obsequiosissima? quàm majorem gloriam recipere posset, quàm si videret à Deo æquè magno se adorari?

Jam hoc est admirabile complementum, quod recipit à Sanctissimâ Virgine. tunc cum ipsa prædestinata est ad complendum Mysterium ineffabile Incarnationis Verbi: siquidem Pater, qui non po-

ruit producere illum in se ipso, nisi per intellectum suum, & per necessitatem quamdam naturalem, reprodicit ipsum denuò in illâ per voluntatem suam, & per Decretum libertatis suæ. Pater, qui videt ipsum nasci in sinu suo sibi æqualem, ita, ut nullam recipere posset ab ipso submissionem, videt ipsum nasci è sinu Sanctissimæ Virginis se inferiorem, sibi que subiectum, adeoque dispositum ad præstandum sibi tam perfectam obedientiam, tam eximia servitia, tam profunda homagia, ut daturus sit propriam vitam suam in cruce, ad exhibendum sibi per sacrificium honorem infinitum sibi debitum. Quis diffitebitur, sanctissimam igitur Virginem benè considerari posse respectu Patris, velut complementum perfectum Trinitatis? *Totius Trinitatis Complementum.*

§. II.

Sanctissima Virgo tribuit incrementum perfectionis Personæ Filij Dei.

ET respectu Personæ Filij idem dicendum est. Dubitari non potest, quin nascatur ipse in æternitate è sinu Patris dives omni infinitudine perfectionum infinitarum Dei, eo quod sit Deus natus de Deo, lumen de lumine, DEUS verus de Deo vero, uti loquitur nostrum fidei symbolum: Ipse est Verbum æternum, quòd solùm &

unicum magnum format discursum, absque syllabis, absque voce sensibili, absque successione, quòd perfecte explicat in instanti æterno omnes cognitiones infinitas principij sui. Cùm igitur verum sit, quòd ipse sit proprius Filius Dei æqualis Patri suo, quid desiderari posset pro majori complemento divinitatis hujus personæ? Nihil profectò.

D z

Nihil.